

笠翁對韻

笠翁對韻 二

一 先

寒對暑，日對年。蹴鞠對秋千。丹山對碧水，淡雨對覃煙。歌宛轉，貌嬋娟。雪鼓對雲箋。荒蘆棲南雁，疏柳噪秋蟬。洗耳尙逢高士笑，折腰肯受小兒憐。郭泰泛舟，折角半垂梅子雨；山濤騎馬，接籬倒看杏花天。

輕對重，肥對堅。碧玉對青錢。郊寒對島瘦，酒聖對詩仙。依玉樹，步金蓮。鑿井對耕田。杜甫春宵立，邊韶白晝眠。豪飲客吞波底月，酣遊人醉水中天。輦草青郊，幾行寶馬嘶金勒；看花紫陌，千里香車擁翠鈿。

吟對詠，授對傳。樂矣對淒然。風鵬對雪雁，董杏對周蓮。春九十，歲三千。鐘鼓對管弦。入山逢宰相，無事即神仙。霞映武陵桃淡淡，煙荒隋堤柳綿綿。七碗月團，啜罷清風生腋下；三杯雪液，飲餘紅雨暈腮邊。

中對晚，後對先。樹下對花前。玉桂對金屋，疊嶂對平川。孫子策，祖生鞭。盛席對華筵。解醉知茶力，消茶識酒權。絲剪芰荷開東沼，錦妝鳧雁泛溫泉。帝女銜石，海中遺魄爲精衛；蜀王叫月，枝上游魂化杜鵑。

二 簫

翠對管，斧對瓢；水怪對花妖。秋聲對春色，白纈對紅綃。臣五代，事三朝；斗柄對弓腰。醉客歌金縷，佳人品玉簫。風定落月閑不掃，霜餘殘葉濕難燒。千載興周，尚父一竿投渭水；百年都越，錢王萬弩射江潮。

榮對悴，夕對朝。露地對雲霄。商彝對周鼎，殷濩對虞韶。樊素口，小蠻腰；六詔對三苗。朝天車奕奕，出塞馬蕭蕭。公子幽蘭重泛舸，王孫芳草正聯鑣。潘岳高懷，曾向秋天吟蟋蟀；王維清興，嘗於雪下畫芭蕉。

耕對讀，牧對樵；琥珀對瓊瑤。兔毫對鴻爪，桂楫對蘭橈。魚潛藻，鹿藏蕉；水遠對山遙。湘靈能鼓瑟，嬴女解吹簫。雪點寒梅橫小院，風吹弱柳覆平橋。月牖通宵，絳蠟罷時光不減；風簾當晝，雕盤停後篆難消。

三 肴

詩對禮，卦對爻。燕引對鶯調。辰鐘對暮鼓，野饌對山肴。雉方乳，鵲始巢。猛虎對神獒。疏星浮苕葉，皓月上松梢。爲邦自古推瑚璉，從政於今愧鬥筲。管鮑相知，能交忘形膠漆友；藺廉有隙，終爲刎頸死生交。

歌對舞，笑對嘲。耳語對神交。焉鳥對亥豕，獺髓對鸞膠。宜久敬，莫輕拋；一氣對同胞。祭遵甘布被，張祿念綈袍。花徑風來逢客訪，柴扉月到有僧敲。夜雨中園，一顆不離王子柰；秋風江上，三重曾卷杜公茅。

衙對舍，廩對庖。玉磬對金鐃。竹林對梅嶺，起鳳對騰蛟。鮫綃帳，獸錦袍；露果對風梢。揚州輸橘柚，荊上貢青茅。斷蛇埋地稱孫叔，渡蟻作橋識宋郊。好夢難成，蛩響階前偏唧唧；良明遠到，雞聲窗外正嘒嘒。

四 豪

芡對茨，荻對蒿；山麋對江螯。鶯簧對蝶板，麥浪對桃濤。騏驎足，鳳凰毛；足譽對嘉褒。文人窺蠹簡，學士書兔毫。馬援南征栽薏苡，張騫西使進葡萄。辯口懸河，萬語千言常疊疊；詞源倒峽，連篇累牘自滔滔。

梅對杏，李對桃；樓樸對旌旄。酒仙對詩史，德澤對思膏。懸一榻，夢三刀；拙逸對貴勞。玉堂花燭繞，金殿月輪高。孤山看鶴盤雲下，蜀道聞猿向月號。萬事從人，有花有酒應自樂；百年皆客，一丘一壑盡吾豪。

臺對省，署對曹；分袂對同胞。鳴琴對擊劍，返轍對回艚。良借箸，操捉刀。香茶對醇醪。滴泉歸大海，簣土積高山。高室客來煎雀舌，畫堂賓至飲羊羔。被謫賈生，湘水淒涼吟<<鵬鳥>>；遭讒屈子，江潭憔悴著<<離騷>>。

五 歌

微對巨，少對多；直幹對平柯。蜂媒對蝶使，雨笠對煙蓑。眉淡掃，面微酡；妙舞對清歌。輕衫裁夏葛，薄袂剪春羅。將相兼行唐李靖，霸王雜用漢蕭何。月本陰精，豈有羿妻曾竊藥；星爲夜宿，浪傳織女漫投梭。

慈對善，虐對苛；縹緲對婆娑。長楊對細柳，嫩蕊對寒莎。追風馬，挽日戈；玉液對金波。紫詔銜丹鳳，黃庭換白鵝。畫閣江城梅作調，蘭舟野渡竹爲歌。門外雪飛，錯認空中飄柳絮；岩邊瀑響，誤疑天半落銀河。

松對竹，苻對荷；薜荔對藤蘿。梯雲對步月，樵唱對漁歌。升鼎雉，聽經鵝；北海對東坡。吳郎哀廢宅，邵子樂行窩。麗水良金皆待治，昆山美玉總須磨。雨過皇州，琉璃色燦華清瓦；風來帝苑，荷芰香飄太液波。

籠對檻，巢對窩；及第對登科。冰清對玉潤，地利對人和。韓擒虎，榮駕鵝；青女對素娥。破頭朱泚笏，折齒謝鯤梭。留客酒懷應恨少，動人詩句不須多。綠野凝煙，但聽村前雙牧笛；滄江積雪，惟看灘上一漁蓑。

六 麻

清對濁，美對嘉；鄙吝對矜夸。花鬚對柳眼，屋角對檐牙。志和宅，博望槎；秋實對春華。乾爐烹白雪，坤鼎煉丹砂。深宵望冷沙場月，邊塞聽殘野戍笳。滿院松風，鐘聲隱隱爲僧舍；半窗花月，錫影依依是道家。

雷對電，霧對霞；蟻陣對蜂衙。寄梅對懷橘，釀酒對烹茶。宜男草，益母花；楊柳對蒹葭。班姬辭帝輦，蔡琰泣胡笳。舞榭歌樓千萬尺，竹籬茅舍兩三家。珊枕半床，月明時夢飛塞外；銀箏一奏，花落處人在天涯。

圓對缺，正對斜；笑語對咨嗟。沈腰對潘鬢，孟筍對盧茶。百舌鳥，兩頭蛇；帝裏對仙家。堯仁敷率土，舜德被流沙。橋上授書曾納履，壁間題句已籠紗。遠塞迢迢，露磧風沙何可極；長沙渺渺，雪濤煙浪信無涯。

疏對密，樸對華。義鵲對慈鴉。鶴群對雁陣，白苧對黃麻。讀三到，吟八叉；肅靜對喧嘩。圍棋兼把釣，沉李並浮瓜。羽客片時能煮石，狐禪千劫似蒸沙。党尉粗豪，金帳籠香斟美酒；陶生清逸，銀鐺融雪啜團茶。

七 陽

臺對閣，沼對塘；朝雨對夕陽。遊人對隱士，謝女對秋娘。三寸舌，九迴腸；玉液對瓊漿。秦皇照膽鏡，徐兆返魂香。青萍夜嘯芙蓉匣，黃卷時攤薜荔床。元亨利貞，天地一機成化育；仁義禮智，聖賢千古立綱常。

紅對白，綠對黃；晝永對更長。龍飛對鳳舞，錦纜對牙樯。雲弁對雪衣，故國對他鄉。雄文能徙鱷，艷曲爲求凰。九日高峰驚落帽，暮春問水喜流觴。僧占名山，雲繞茂林藏古殿；客棲勝地，風飄落葉響空廊。

衰對壯，弱對強；艷飾對新妝。御龍對司馬，破竹對穿楊。讀班、馬，識求、羊；水色對山光。仙棋藏綠橘，客枕夢黃梁。池草入詩因有夢，海棠帶恨爲無香。風起畫堂，簾箔影翻青苒沼；月斜金井，轆轤聲度碧梧牆。

臣對子，帝對王；日月對風霜。烏臺對紫府，雪牖對雲房。香山社，畫錦堂；蔀屋對岩廊。芬椒塗內壁，文杏飾高樑。貧女幸分東壁影，幽人高臥北窗涼。繡閣探春，麗日半籠青鏡色；水亭醉夏，熏風常透碧筒香。

八 庚

形對貌，色對聲；夏邑對周京。江雲對澗樹，玉罄對銀箏。人老老，我卿卿；曉燕對春鶯。玄霜春玉杵，白露貯金莖。賈客君山秋弄笛，仙人緱嶺夜吹笙。帝業獨興，盡道漢高能將；父書空讀，誰言趙括善知兵。

功對業，性對情；月上對雲行。乘龍對附驥，閬苑對蓬瀛。春秋筆，月旦評；東作對西成。隋珠光照乘，和璧價連城。三箭三人唐將勇，一琴一鶴趙公清。漢帝求賢，詔訪嚴灘逢故舊；宋廷優老，年尊洛社重耆英。

昏對旦，晦對明；久雨對新晴。蓼灣對花港，竹友對梅兄。黃石叟，丹丘生；犬吠對雞鳴。暮山雲外斷，新水月中平。半榻清風宜午夢，一犁好雨趁春耕。王旦登庸，誤我十年遲作相；劉蕡不第，愧他多士早成名。

九 青

庚對甲，乙對丁；魏闕對彤庭。梅妻對鶴子，珠箔對銀屏。鴛浴沼，鷺飛行。鴻雁對鵲鴿。人間壽者相，天上老人星。八月好修攀桂斧，三春須繫護花鈴。江閣憑臨，一水淨連天際碧；石欄閑倚，群山秀向雨餘青。

危對亂，泰對寧；納陛對趨庭。金盤對玉箸，泛梗對浮萍。群玉圃，眾芳亭；舊典對新型。騎牛閑讀史，牧豕自橫經。秋首田中禾穎重，春餘園內菜花馨。旅次淒涼，塞月江風皆慘淡；廷前歡笑，燕歌趙舞獨娉婷。

十 蒸

萍對蓼，莆對菱。雁弋對魚罾。齊紈對魯綺，蜀綿對吳綾。星漸沒，日初升；九聘對三征。螢何曾作吏，賈島昔爲僧。賢人視履循規矩，大斧揮斤校準繩。野渡春風，人喜乘潮移酒舫；江天暮雨，客愁隔岸對漁燈。

談對吐，謂對稱；冉閔對顏曾。侯嬴對伯嚭，祖逖對孫登。拋白紵，宴紅綾；勝友對良朋。爭名如逐鹿，謀利似趨蠅。仁傑姨慚周不仕，王陵母識漢方興。句寫窮愁，浣花寄跡傳工部；詩吟變亂，凝碧傷心嘆右丞。

十一 尤

榮對辱，喜對憂；繾綣對綢繆。吳娃對越女，野馬對沙鷗。茶解渴，酒消愁；白眼對蒼頭。馬遷修史記，孔子作春秋。莘野耕夫閑舉耜，渭濱漁父晚垂鉤。龍馬遊河，羲帝因圖而畫卦；神龜出洛，禹王取法以明疇。

冠對履，烏對裘；院小對庭幽。畫牆對漆地，錯智對良籌。孤嶂聳，大江流；芳澤對園邱。花潭來越唱，柳嶼起吳謳。鶯懶燕忙三月雨，蛩摧蟬退一天秋。鐘子聽琴，荒徑入林山寂寂；謫仙捉月，洪濤接岸水悠悠。

魚對鳥，鵲對鳩；翠館對紅樓。七賢對三友，愛日對悲秋。虎類狗，蟻如牛；列辟對諸侯。陳唱臨春樂，隋歌清夜遊。空中事業麒麟閣，地下文章鸚鵡洲。曠野平原、獵士馬蹄輕似箭；斜風細雨、牧童牛背穩如舟。

十二 侵

歌對曲，嘯對吟；往古對來今。山頭對水面，遠浦對遙嶺。勤三上，惜寸陰；茂樹對平林。卞和三獻玉，楊震四知金。青皇風暖催芳草，白帝城高急暮砧。繡虎雕龍、才子窗前揮彩筆；描鸞刺鳳、佳人簾下度金針。

登對眺，涉對臨；瑞雪對甘霖。主歡對民樂，交淺對言深。恥三戰，示七擒；顧曲對知音。大車行檻檻，駟馬聚駸駸。紫電青虹騰劍氣，高山流水識琴心。屈子懷君、極浦吟風悲澤畔；王郎憶友、扁舟臥雪訪山陰。

十三 覃

宮對闕，座對龕。水北對天南。蜃樓對蟻郡，偉論對高談。遶杞梓，樹梗楠。得一對函三。八寶珊瑚枕，雙珠玳瑁簪。蕭王待士心惟赤，盧相欺君面獨藍。貢島詩狂，手擬敲門行處想；張顛草聖，頭能濡墨寫時酣。

聞對見，解對諳。三桔對雙柑。黃童對白叟，靜女對奇男。秋七七，徑三三。海色對山嵐。鸞聲何噦噦，虎視正眈眈。儀封疆吏知尼父，函谷關人識老聃。江相歸池，止水自盟真是止；吳公作宰，貪泉雖飲亦何貪？

十四 鹽

寬對猛，冷對淡。清直對尊嚴。雲頭對雨腳，鶴發對龍髯。風台諫，肅台廉。保泰對鳴謙。五湖歸範蠡，三徑隱陶

潛。一劍成功堪佩印，百錢滿卦便垂簾。濁酒停杯，容我半
酣愁際飲；好花傍座，看他微笑悟時拈。

連對斷，減對添。淡泊對安恬。回頭對極目，水底對山
尖。腰裊裊，手纖纖。鳳荀對鸞占。開田多種粟，煮海盡成
鹽。居同九世張公藝，恩給千人范仲淹。簫弄鳳來，秦女有
緣能跨羽；鼎成龍去，軒臣無計得攀髯。

人對己，愛對嫌。舉止對觀瞻。四知對三語，義正對辭
嚴。勤雪案，課風簷。漏箭對書箋。文繁歸獺祭，體艷別香
奩。昨夜題詩更一字，早春來燕卷重簾。詩以史名，愁裏悲
歌懷杜甫；筆經人索，夢中顯晦老江淹。

十五 鹹

栽對植，薙對芟。二伯對三監。朝臣對國老，職事對官
銜。鹿麇麇，兔毚毚。啓牘對開緘。綠楊鶯睨睨，紅杏燕呢
喃。半籬白酒娛陶令，一枕黃梁啓呂岩。九夏炎飈，長日風
亭留客騎；三冬寒冽，漫天雪浪駐征帆。

梧對杞，柏對杉。夏鑊對韶鹹。澗瀟對溱洧，鞏洛對崑
函。藏書洞，避詔岩。脫俗對超凡。賢人羞獻媚，正士嫉工

讒。霸越謀臣推少伯，佐唐藩將重渾瑊。鄴下狂生，羯鼓三
搥羞錦襖；江州司馬，琵琶一曲濕青衫。

袍對笏，履對衫。匹馬對孤帆。琢磨對雕鏤，刻劃對鐫
壩。星北拱，日西銜。卮漏對鼎饑。江邊生桂苦，海外樹都
鹹。但得恢恢存利刃，何須咄咄達空函。彩鳳知音，樂典後
夔須九奏；金人守口，聖如尼父亦三緘。